



ପ୍ରବନ୍ଧ

ତା.୨୭.୦୩.୨୦୧୮

ପାଲି

ପୁଲିସ୍ କବି-ରଞ୍ଜିତ ପଧାନ

କେତେ ଖରା ପାଲି, କେତେ ଦସରା ପାଲି, ଏକ୍ସେନ୍ ରଜାର ପାଲି, ତେହେରୁ ମନ୍ତ୍ରିରିର ପାଲି, ଏସୁର ବଡ଼ଖାର ପାଲି ପରହୁର ମାଁ ଝିଅର ପାଲି, ଆଏଜ୍ ଭାମର ପାଲି କାଏଲ୍‌କେ ଦୁଶାର ପାଲି, ଏନ୍ତା କେତେ ରକମର ପାଲି ଅଛି । କେନ୍ଦ୍ରୀ ଗୁଚେ କାମ୍‌କେ ଝନ୍‌କର ମୁଡ଼େଁ ଗୁରଦୁ ଟେ ଭିଡ଼ାନ ନାହିଁ ପଡ଼ିବା ବଳିଁ ଆମେ ସେ କାମ୍‌କେ ଟିକେ ଦିଲା ସୁସ୍‌ତି ଥି କରବାର ଲାଗି, ପାଲି କରିଥିବୁଁ । ଇ ପାଲିର କଥା ଆମେ ପୁରାନ୍ ଯୁଗେଁ ଭି ନୁରମା ବଏଲେଁ ପାଇ ପାରମା । ଯେତ୍ରା ମଡ଼ାଖୁଆ ଅସୁର ନିକେ ସବୁ ରାଏଜୁଁ ଘାଏ ଘାଏ କରି ପାଲି କେ ପାଲି ଖାନାପିନା ମଡ଼ାପିଠା ପୁହୁଁତି ଯାଉଥିଲା ପରେ । ହେଲେଁ ଇ କଲିୟୁଗେଁ ଇ ଶିଖୁତ୍ ସମାଜ୍ ଥି ଏକ୍ସେନ୍ କା ଯେନ୍ ଗୁଚେ “ପାଲି” ଘରେଁ ଘରେଁ ଚାଲୁଛେ ସମ୍‌କରି ଲାଗିଁ ଗୁଚେ ଅଡ଼ାବସା ବିଷେ ଆଏ । ସେଟା ହେଉଛେ ମା’ ବୁଆର ପାଲି । ଯେ ମା’ ବୁଆ ହେତକି ଦୁଖେ କଷ୍ଟେଁ ଆମ୍‌କୁ ଜନମ୍ ଜାଏତ୍ କଲେ, ପାଠ୍ ଶାଠ୍ ପଢ଼ାଲେ , ମୁନୁଷ୍ ମାକଡ଼୍ କଲେ , ଆଏଜ୍ ଆମର ଗିଜ୍‌କେ ହାତ୍ ପୁହୁଁତି ଗଲା ଉତାରୁଁ ନିଜ୍‌କେ ବଢ଼େ ଶିଖୁତ୍ ବଲୁଛୁଁ ଆରୁ ସେ ମାଁ ବୁଆକୁଁ ଛେଲିଆ ଲେଡ଼ିଆ ଲେଖେନ୍ ବଡ଼ଖାଟା ମାସେ, ମଝିଆଁ ଟା ମାସେ, ସୁରୁ ଟା ମାସେ କରି ପାଲି କରୁଛୁଁ, ଧେତ୍, ଧୁକ୍ ଯତ ଆମର ପୁଓ ଜନମ୍ ।

କୁରୁଆଁ, ବରଗଡ଼



paramparaemagazine.wordpress.com



parbasikutum@gmail.com

